

Script of Evening Gojri News Bulletin 23 August 2024 at 1700 Hrs

ایوٹننگ گو جری نیو ز بلیٹن مو رخہ 23 اگست 2024

یوہ آکا شوانی جموں بے عبدالمجید تے محمد سفیر تیں خبر سُنو۔ پہلاں خاص خاص خبر۔

1★۔ چناوی مہم تیز ہون غے نال نال کئی سیا سی جماعتاں غا لیڈراں نے اپنا کاغذاتِ نامزدگی پہرنا شروع کر دتا ہیں۔

2★۔ مرکزی زیر انتظام علاقہ جموں کشمیر مانہ سوپ پروگرام غا نوڈل افسراں غی سربراہی مانہ رائے دہندگان غا آئینی حقوق یعنی ووٹ غی اہمیت با رے کئی مقامات و سوپ پروگرام منعقد کیا گیا۔

3★۔ وزیر دفاع راجناتھ سنگھ نے اظہارِ رکیو بے جے بھارت تے امریکہ فطری متحد ہیں تے مضبوط شراکت دار ویں گا۔

4★۔ تے بھارت نے اج پہلو قومی خلائی تہاڑو منایو۔ اس موقعہ و رصدرِ جمہو ریہ نے کہیو بے جے بھارتی خلائی تحقیقی تنظیم نے نہ صرف خلائی شعبہ مانہ ترقی کی بے بلکہ مُلک غی سماجی تے اقتصادی صورتحال وی بہتر بنائی بے۔

خبران غی تفصیل نال پہلاں عبدالمجید۔

Election Nomination

جموں کشمیر مانہ آئندہ اسمبلی انتخابات غا سلسلہ مانہ 4 امیدواراں نے اپنا کاغذاتِ نامزدگی داخل کرایا ہیں۔ مذکورہ امیدوار ضلع کلگام غا اسمبلی حلقہ کلگام، دیو سر تے دمہال بانجی پورہ تیں تعلق رکھیں ان امیدواراں مانہ نیشنل کانفرنس غی سینئر لیڈر سکینہ ایتو نے سابقہ وزیر اعلیٰ عمر عبداللہ غے ہمراہ دمہال بانجی پورہ حلقہ واسطے اپنا کاغذاتِ نامزدگی داخل کیا۔ اسے حلقہ واسطے اپنی پارٹی غا امیدوار عبدالمجید پڈر نے وی اپنا کاغذاتِ نامزدگی داخل کیا۔ یا د رہ جے مذکورہ نشست ورنہ آئندہ 18 ستمبر نانہ پہلا مرحلہ غے تحت انتخابات کرایا جائیں گا۔ اوواں کلگام حلقہ تیں پردیش کانگریس غا امیدوار نظیر احمد لاوے تے دیوسر حلقہ تیں پی ڈی پی غا

أُمید وار محمد سرتاج مدنی نے اپنا کاغذاتِ نامزدگی داخل کیا۔ ان غے علا وہ ڈوڈہ اسمبلی حلقہ تیں نیشنل کا نفرنس غا سینئر لیڈر خالد نجیب سُہروردی نے اپنا نامزدگی کاغذات داخل کیا۔ ان غے بمراہ متی تعداد مانہہ اس موقعہ و ر لوک موجود ربیا۔ یا د رہ جے سُہروردی مذکو رہ حلقہ تیں 5 ویں با ر چناؤ لڑ ربیا ہیں۔

SVEEP Reasi

آئندہ عام اسمبلی چناؤ 2024 واسطے تیاریاں غا سلسلہ مانہہ سویپ ٹیم ریا سی نے اج جنرل زورا ور سنگھ ڈگری کالج ریا سی مانہہ ”یووا چوپال“ غا ناں نال ووٹر بیداری پروگرام غو انعقاد کیو گیو۔ یاہ تقریب ضلع چناؤ افسر ریا سی وشیش مہاجن غی نگرانی مانہہ منعقد ہو ئی۔ اس تقریب مانہہ طالب علماں، عملہ تے پہلی دفع ووٹ پان آلاں نے پُر جو ش ہو غے شرکت کی۔ اس پروگرام مانہہ اسکولی طالب علماں نے تقریراں تے دوجی سرگرمیاں غے ذریعے ووٹر بیداری غی اہمیت نانہہ ثقافتی نشست مانہہ اُجاگر کیو۔ اس موقعہ و ر بولتاں واں سویپ نوڈل افسر ریا سی سچن شرما نے اس طرح کہیو۔۔۔ با ٹ۔۔

SVEEP Poonch

دینا ناتھ میموریل سرکاری لڑکیاں غا با ٹر سکینڈری اسکول پونچھ مانہہ اج سویپ ٹیم نے ووٹر بیداری پروگرام منعقد کیو۔ اس تقریب غو مقصد پہلی با ر ووٹ پان آلا شہریاں نانہہ آئندہ اسمبلی چناؤ مانہہ ووٹ کہلن بارے آگاہ کرنو تے اُن غی ووٹ پان واسطے حوصلہ افزائی کرنوتھو۔ اس دوران سویپ غا نوڈل افسر انجمن شاہین نے جمہوری نظام مانہہ نوجواناں غا کردار غی اہمیت اُجاگر کی تے بچاں نال خطاب کرتاں واں ووٹ غی طاقت با رے دسیو جے ووٹ پانو اک بنیا دی حق بے تے براہل شہری غی ذمہ داری بے۔

SVEEP Doda

بھا رتی چناؤ کمیشن غی ہدایات غے مطابق ضلع ڈوڈہ مانہہ چناؤ انتظامیہ نے سویپ غے تحت ووٹر بیداری پروگرام غی شروعات کر دتی بے۔ اس قدم غے تحت اج ضلع

ڈوڈہ غا اسمبلی حلقہ 52 ڈوڈہ غا گراں گھاٹ ارنوڑا تے بیو ر مانہ گھر گھر جا غے رائے دہندگان نانہ ووٹ غی اہمیت با رے بیدار کیو۔ مذکو رہ ٹیم نے معلوماتی مواد تقسیم کرن غے نال نال عوام غا سوالات غو جواب وی دتا۔ مذکورہ مہم غی سربراہی نوڈل افسر برائے سویپ عمر شریف کر رہیا تھا۔ اس موقعہ و ر آکاشوانی نال گل کرتاں واں اُنہاں نے اس طرح کہیو۔۔۔ با ٹ۔

Udhampur

ضلع چناؤ افسر اُدھم پو ر سلونی رائے نے ڈی سی دفتر اُدھم پو ر غا کانفرنس ہال مانہ چناؤ غا سلسلہ نانہ حتمی شکل دین واسطے چناوی عملہ غی اک میٹنگ غی صدارت کی۔ اس میٹنگ مانہ ضلع غا تمام چا ر اسمبلی حلقاں مانہ چناؤ واسطے تعینات کیا عملہ تمام ضلع پولیس افسران تے ضلع افسراں نے شرکت کی۔ ضلع مانہ آزادانہ، صاف و شفاف چناؤ نانہ یقینی بنان خاطر قائم کیا قانون قاعدان غی پابندی غی اہمیت با رے دستاں، بھارتی چناؤ کمیشن غی طرفوں جا ری رہنما سطور ور سختی نال عمل کرن ور ضلع چناؤ افسر نے زور پایو۔

Defence Minister

وزیر دفاع راجناتھ سنگھ نے کہیو ہے جے بھارت تے امریکہ فطری متحد ہیں تے مضبوط شراکت دار ویں گا۔ امریکہ غا سرکاری دورہ غے پہلے تہاڑے واشنگٹن مانہ وزیر دفاع نے بھارتی نثراد لوکاں نال خطاب کیو۔ واشنگٹن ڈی سی مانہ جناب سنگھ نے اُت رہ رہیا بھارتیاں نال ملاقات غے دوران کہیو جے یاہ خوش آئند گل ہے جے بھارتی لوکاں نے اِت وی اپنی ثقافتی قدر تے اپنی جہڑاں نال رابطو قائم رکھیو وو ہے۔ واشنگٹن غا دورہ غے دوران وزیر دفاع بھارت تے امریکہ بشکا ر تحفظ با ریتقسیم کا ری انتظام دستا ویز ”سو سا“ تے فوجی افسر رابطہ غا کم غے متعلق مفاہمت نامہ ور دستخط کریں گا۔ ”سوسا“ ور دستخط نال بھارت تے امریکہ قومی دفاع غا باہدہ غا سلسلہ مانہ چیزاں تے خدمات واسطے ترجیحی امداد مہیا کران ور رضامند ہو گیا ہیں۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال محمد سفیر۔

National Space Day

صدرِ جمہو ریہ درویدی مُرمو نے اظہا ر کیو ہے جے بھارتی خلائی تحقیقی تنظیم یعنی اِسرو نے نہ صرف خلائی شعبہ مانہہ ترقی کی ہے بلکہ مُلک غی سماجی تے معاشی حالات بہتر بنان مانہہ وی اہم کردار ادا کیو ہے وے اس گل غو اظہا ر نوی دہلی مانہہ قومی خلائی تہاڑا با رے منعقدہ پروگرام مانہہ کر رہی تھیں۔ اس موقعہ و ر وزیر مملکت برائے خلاء ڈاکٹر جتندر سنگھ نے بولتاں واں کہیو جے نریندرمو دی سرکا ر نے خلائی شعبہ مانہہ ماضی غی جکڑی زنجیراں تیں آزاد کر غے نویں راہ دسی ہیں۔ اُنہاں نے کہیو جے گذشتہ 70 سالان مانہہ مذکو رہ شعبہ غی قوت نانہہ براوئے کا ر نہیں آئیو گیو۔

Reasi EVM

عام اسمبلی انتخابات غا سلسلہ مانہہ ضلع ریا سی مانہہ الیکٹرانک ووٹینگ میشن تے وی وی پیٹ پہلا مرحلہ غے تحت فر تیں ترتیب دتی گئی۔ مذکو رہ ترتیب ضلع چناؤ افسر ریا سی وشیش پال مہاجن غی سربراہی مانہہ کی گئی اور اس موقع و ر سیا سی پارٹیاں گا نمائندہ تے دیگر سینئر افسر وی موجو د تھا۔ واضع رہ جے ضلع مانہہ 3 اسمبلی نشستوں و ر چناؤ کرایا جائیں گا۔ اس دوران ڈی ای او ریا سی نے مزید اس طرح دسیو۔۔۔ بائٹ۔۔

EVM Rajouri

بھارتی چناؤ کمیشن غی رہنما سطور غے مطابق اج ڈاک بنگلو راجو ری مانہہ عام اسمبلی چناؤ 2024 واسطے الیکٹرانک ووٹینگ مشیناں تے وی وی پیٹ غی پہلی رینڈیمائزیشن یعنی پھر تیں ترتیب دتی گئی۔ یوہ ترتیبی عمل ضلع چناؤ افسر ابھیشک شرما تے قومی اور علاقائی سیا سی پارٹیاں گا نمائنداں غی موجو دگی مانہہ کیو گیو۔ قومی تے علاقائی سیا سی پارٹیاں جن مانہہ بھارتیہ جنتا پارٹی، انڈین نیشنل کانگریس، جموں کشمیر نیشنل کانفرنس، جموں پیپلز ڈیموکریٹک پارٹی تے دوجی پارٹیاں غا نمائندہ پہلی وری فر تیں تربیت دین غا عمل رینڈیمائزیشن غے دوران موجو د تھا۔ یوہ ترتیبی عمل بھارتی چناؤ کمیشن غا پورٹل ای ایم ایس سافٹ

وٹر ور میٹنگ مانہہ موجو دتمام سیا سی جماعتاں غا نمائنداں غی تسلی واسطے کیو گیو۔ اس نوا سرا تیں ترتیب غا عمل تیں سیا سی جماعتاں غا نمائندہ مطمئن ہوا ہیں۔

DC Jammu

آئندہ اسمبلی چناؤ واسطے کا غذا ت نامزدگی دائر کرن غا جائزہ غی خاطر ضلع چناؤ افسر جموں سچن کمار ویشے نے اک میٹنگ غی صدارت کی۔ صاف و شفاف تے آزادانہ چناؤ نانہہ یقینی بنان واسطے ضلع چناؤ افسر نے پورا چناوی عمل غے دوران شفافیت، محتاط درستی تے چوکسی غی اہمیت ور زور دتو۔ حالیہ نظر ثانییاں تے تا تا ریخاں ور تفصیلی تبادلہ خیال نال ریٹرننگ افسراں نانہہ نامزدگیاں غا عمل غا تمام تکنیکی پہلواں با رے تفصیل نال دسیو گیو۔ ضلع چناؤ افسر نے قانون نافذ کران آلی ایجنسیاں نال ضروری تال میل غی ضرورت ور زور دتو تا نجے نا مزدگیاں تے چناؤ غے دوران محفوظ ماحول نانہہ یقینی بنایو جائے۔ انہاں نے کہیو۔۔۔ با ٹ۔۔۔

Drug Banned

سرکا ر نے بکھ بکھ قسم غی 156 دوائیاں ور پابندی عائد کر دتی ہے۔ جن مانہہ اینٹی بایوٹیک، درد غی دوا یعنی پین کیلر تے گجھ ویٹامیز غی دوا شما ر ہیں۔ یا د رہ جے یوہ قدم مذکو رہ دوائیاں گا صحت ور منفی اثرات غا تناظر مانہہ چایو گیو ہے۔ اس با رے وزارت صحت نے نو ٹیفیکیشن جا ری کر غے دسیو ہے جے مذکو رہ دوائیاں غی متبا دل دوا موجو د ہیں۔ یوہ قدم سرکا ر غی طرفوں تشکیل دتی گئی ماہرین غی کمیٹی نے ڈرگس تکنیکی مشاورتی بورڈ غا مشورہ تیں بعد چایو گیو ہے۔ وزارت نے مزید دسیو جے مذکو رہ بورڈ غی جانکا ری مانہہ یوہ دیکھیو گیو ہے جے ان دوائیاں سنگ مریضاں غو نقصان زیا دہ تے فائدو کہٹ وے۔
